

Hackett River-mi Uyarakhiuqtut Havauhikhaq: Uuktuut Imaqmik Laisikhamiknik Himmautimik

Hackett River-mi Uyarakhiuqtut Havauhikhaq (Havauhikhaq) ittuq Kitikmeonmi Nunavunmi ittuq 625 km hivuravyaani uataani Urhuqtuumi unalu 110 km hivuraani Qingaup. Tamna Havauhhikhaq nanminiriyauyuq aulapkaihimayuqlu Xstrata Zinc-kunnit. Tamna Havauhhikhaq piqaqtuq aulapkaitjutihimayuq havaknaqhitigaangat nayugakhaanik milviqarhuni (hikukkut ukiumi, nunakkuttauq auyami), unalu uyarakhiurniqmut pinahuarut piqaqtuq aulapkaitjut qaffiuyunik diamond-mik qiniqhiayut ikuutaqtut. Avatiliriniqmut naunaiyainiq piyut uyarakhiurviuyamiknik tatja piliqtuqlu.

Xstrata uukturahualiqtuq himmautikhanginnik atuqtauyuq imaqmut laisikhamiknik Hackett River-mut (2BE-HAK0915) nayuqtakhamiknik inugiakhiyuumiqtuq (90nik inuknik) angikliyuumiqhugulu ikuutarvikhaanik (6nik ikuutanik). Tatja laisingit atuqtuq 2 hannat 50nik (250) cubic miitanik atauhiqmi ublumi imaqmik. Una uuktuutikhaq ilaliutiqaqtuq angikliyuumiqhimayuq imaqmik aturninnga 2 hannat 90nik (299) cubic miitanik atauhiqmi ublumi.